

十誦律卷第十五

美五

姚秦三藏弟子多羅共三藏鳩摩羅什譯

第三誦之二

九十波逸提之七

佛在舍衛國爾時跋難陀釋子作是念是達

美五

摩弟子毀辱我兄應當報之爾時喚言共到

一

其聚落去問何以故答言但來達摩念言是我和尚云何不隨語從祇洹出爾時祇洹門間有諸比丘經行諸比丘語達摩言汝今日必當得多美飲食何以故隨逐多知識比丘

故達摩言多以不多今日當知是跋難陀釋子隨所入家皆請與食跋難陀言小住日早時到當取達摩作是念我和尚今日必當受好請處是故處處不受食第二第三家亦請與食跋難陀言小住日早時到當取爾時跋

難陀出自白衣舍看日已中設入聚落乞食者不及時若還祇洹亦復不及時即語達摩言汝還去我與汝共坐共語不樂我獨坐獨語樂達摩復自看日已中設入聚落乞食不及時若還祇洹復不及時達摩又念今當何去即還祇洹諸比丘問言汝今日得多美好食耶答言莫共我語今日斷食問何以故即以是事向諸比丘廣說是中有比丘少欲知足行頭陀聞是事心不喜種種因緣呵責云何名比丘故斷比丘食種種因緣呵已向佛廣說佛以是事集比丘僧知而故問跋難陀汝實作是事不答言實作世尊佛以種種因緣呵責跋難陀釋子云何名比丘故斷比丘食種種因緣呵已語諸比丘以十利故與諸比丘結戒從今是戒應如是說若比丘語餘比

丘來共到他家是比丘不教與便作是言汝去與汝共坐共語不樂我獨坐獨語樂欲惱彼故以是因緣波逸提家者白衣家驅去者自驅若教人驅波逸提者煮燒覆障若不慎過能障礙道是中犯者若比丘語餘比丘言

美五

二

汝來共到他家若未入城門令還者突吉羅若入城門令還者亦突吉羅若未入白衣家外門令還者突吉羅若中門亦如是若未入內門令還者突吉羅若入內門未至門處令還者突吉羅若至門處令還者波逸提五十
一事

竟

識共拾草木用然火向有一異摩訶盧比丘拽空中木持著火中木中有毒蛇得熱便出比丘見之驚怖大喚賈客驚怪謂有賊來共相謂言各自捉稍刀楯弓箭聚集財物諸賣客即起捉諸器仗聚集財物共相問言賊在何處比丘言無賊但有毒蛇諸賣客言若知是蛇何故大喚以大喚故諸賣客或有相殺我等幾相傷害佛聞是事及諸賣客呵責比丘過是夜已佛以是因緣集比丘僧以種種因緣呵責摩訶盧比丘云何名比丘露地然火種種因緣呵已語諸比丘以十利故與諸比丘結戒從今是戒應如是說若比丘無病露地然火向若然草木牛屎木皮糞掃若自然若使人然波逸提病者冷盛熱盛風盛若向火得差是名病除是因緣名不病露地

美五

三

者無壁覆障無席覆無衣覆如是等無覆處名露地自著者自手著使著者教他著波逸提者煮燒覆障若不悔過能障礙道是中犯者若比丘以草著草火中波逸提若以薪牛屎木皮糞掃著草火中波逸提若比丘以木著木火中波逸提若以牛屎木皮糞掃草著木火中波逸提若比丘以牛屎著牛屎火中波逸提若以木皮糞掃草木著牛屎火中波逸提又比丘以木皮著木皮火中波逸提若以糞掃草木牛屎著木皮火中波逸提又比丘以糞掃著糞掃火中波逸提若以草木牛屎木皮著糞掃火中波逸提教著亦如是乃至以露地火樵著火中突吉羅不犯者若病若煮飯若煮羹煮粥煮肉煮湯煮漆熏鉢治杖治鉤不犯

五十二
事竟

佛在舍衛國爾時諸比丘欲羯磨擯跋難陀時六羣比丘在衆中遮不得成羯磨異時六羣比丘餘處行去諸比丘言我等今當與跋難陀作擯羯磨有比丘言六羣比丘當來更遮諸比丘言六羣比丘今遠去至餘聚落多事未還有比丘佐助六羣比丘時住不去諸六羣比丘懈怠懶惰說戒自恣僧羯磨時不來但與欲清淨諸比丘念莫令佐助六羣比丘來衆中作遮但取欲來即打捷椎集比丘僧遣人到彼比丘所索欲來彼問言欲作何事答言有僧事美五彼比丘即與欲爾時僧一心和合與跋難陀作擯羯磨後日大唱言僧已與跋難陀作擯羯磨彼比丘言是羯磨不應如是作不可我意故諸比丘言汝已與欲彼比丘言我不知僧與跋難陀釋子作擯羯磨

故若知者不與欲自言我不是有過不應與

欲是中有比丘少欲知足行頭陀聞是事心

不喜種種因緣呵責云何名比丘如法僧事

中與欲後悔種種因緣呵已向佛廣說佛以是事集比丘僧知而故問是比丘汝實作是

事不答言實作世尊佛以種種因緣呵責云

何名比丘與欲後悔種種因緣呵已語諸比

丘以十利故與諸比丘結戒從今是戒應如是說若比丘僧如法與欲後悔我不應與波

逸提僧事者所有僧事若白羯磨白二羯磨

白四羯磨若布薩自恣若羯磨十四人波逸

提者煮燒覆障若不悔過能障礙道是中犯者若比丘如法僧事與欲竟後悔言我不應

與波逸提若比丘僧如法事若白羯磨白二

羯磨白四羯磨布薩自恣十四人羯磨與欲

美五

五

竟後悔言我不應與欲波逸提隨心悔言一

一波逸提五十三

佛在阿羅毗國爾時諸賢者隨齋日到寺中

受齋法通夜然燈跏趺而坐爲聽法故時諸

上座比丘初夜大坐至中夜時各各入房諸

年少比丘及諸沙彌在說法堂中宿不一心

臥軒眠寐語大喚掉臂諸賢者言看是尊衆

不一心眠臥是中有比丘少欲知足行頭陀

聞是事心不喜向佛廣說佛以是事集比丘

僧知而故問阿羅毗比丘汝實作是事不答

言實作世尊佛以種種因緣呵責云何名比

丘共未受具戒人宿佛爾時但呵責未結此戒

佛在舍衛國爾時沙彌羅睺羅諸比丘驅出

房不共宿羅睺羅即去到邊小房中住時有

客比丘來作是念大房中必上座滿我當向

邊小房中作是念已即向邊小房中到已聲
欸打門問言此中有誰答言我是羅睺羅比
丘言出去即便出去到第二房中復更驅去
到第三房亦如是羅睺羅作是念我所至房
舍皆驅出者今當往至佛廁屋中即往廁屋
中枕廁板卧板下有蛇先出不在後夜大風
雨墮蛇得苦惱即還向窟時佛憶羅睺羅卧
若我不覺者正爾當爲蛇所害佛即入三昧
自房內沒於廁邊住即以神力作龍聲羅睺
羅便覺佛知而故問汝是誰耶答言我羅睺
羅何故在此答言卧問何故此中卧答言餘
無宿處佛言汝出即便出來佛以右手摩羅
睺頭說是偈言

汝不爲貧窮亦不失富貴但爲求道故

六

美五

出家應忍苦

說是偈已佛即捉臂將至房時佛獨坐牀上
大坐佛竟夜入禪用聖默然到地了已以是
因緣集比丘僧語諸比丘是沙彌可憐愍無
父母若不慈愍何緣得活若值惡獸得大苦
惱是親里必瞋言諸沙門釋子但能畜沙彌
而不能守護佛種種因緣呵已語諸比丘從
今爲二事利故聽未受大戒人二夜共宿一
者爲憐愍沙彌故二者爲有白衣來至僧房
故以十利故與諸比丘結戒從今是戒應如
是說若比丘與未受大戒人共舍宿過二夜
波逸提未受大戒人者除比丘比丘尼餘一
切人是舍有四種一者一切覆一切障二者
一切障不覆三者一切覆半障四者一切覆
少障波逸提者煮燒覆障若不悔過能障礙

道是中犯者若比丘與未受大戒人四種舍

中宿過二宿波逸提起已還卧隨起還卧一

一波逸提若通夜坐不犯時有比丘病使沙

彌供給看病是比丘至第三夜驅沙彌去是
美五

病比丘病無人看垂死諸比丘以是事白佛

七

佛以是事集比丘僧語諸比丘應喚沙彌在

病比丘所立莫令卧有沙彌小久立倒地便
臥佛言病比丘不犯是中有不病比丘不應

臥五十四
事竟

佛在舍衛國爾時阿利吒比丘生惡邪見言

我如是知佛法義作障道法不能障道諸比

丘聞是事向佛廣說佛以是事集比丘僧語

諸比丘汝當約勑阿利吒比丘言汝莫作是

語我知佛法義作障道法不能障道莫謗佛

謗佛者不善佛不作是語佛種種因緣說障

道法能障道汝捨是惡邪見當三教令捨是

事諸比丘言如是世尊即往約勑阿利吒比

丘言汝莫作是語我知佛法義作障道法不

能障道汝莫謗佛謗佛者不善佛不作是語

佛種種因緣說障道法能障道汝捨是惡邪

見作是教令捨此事第二第三亦如是教諸

比丘再三教已不能令捨即便起去往詣佛

所頭面禮足一面坐白佛言世尊我等教阿

利吒比丘令捨是惡邪見不能令捨我等便

即起來佛言汝等應作羯磨擯阿利吒比丘

不捨惡邪見故若有餘比丘不捨惡邪見者

亦如是治作不捨惡邪見擯羯磨法者一心

和合僧一比丘僧中唱言大德僧聽是阿利

吒比丘如是惡邪見言我知佛法義作障道

法不能障道僧已約勑令捨惡邪見而不肯

捨若僧時到僧忍聽與阿利吒比丘不捨惡邪見羯磨隨汝幾許時不捨惡邪見僧隨爾所時與作擯羯磨是明白如是白四羯磨僧與阿利吒比丘不捨惡邪見擯羯磨竟僧忍默然故是事如是持語諸比丘以十利故與

卷五

八

諸比丘結戒從今是戒應如是說若比丘作是言我如是知佛法義作障道法不能障道諸比丘應如是教彼比丘汝莫作是言我如是知佛法義作障道法不能障道汝莫謗佛謗佛者不善佛不作是語佛種種因緣說障道法能障道汝當捨是惡邪見諸比丘如是教時堅持不捨諸比丘當再三教令捨此事再三教時捨者善不捨者波逸提波逸提者煮燒覆障若不悔過能障礙道是中犯者是比丘初應軟語約勅若軟語約勅捨者令作

突吉羅悔過若不捨者應作白四羯磨約勅一心和合僧中一比丘唱言大德僧聽是阿利吒比丘生惡邪見作如是言我知佛法義作障道法不能障道若僧時到僧忍聽僧約勅阿利吒比丘令捨惡邪見是明白如是白四羯磨僧約勅阿利吒比丘捨惡邪見竟僧忍默然故是事如是持是中佛說是比丘應第二第三約勅令捨是事者是名約勅是名爲教是名約勅教若軟語約勅不捨者未犯若初說說未竟說竟卷五第二說說未竟說竟弟三說說未竟非法別衆非法和合衆似法別衆似法和合衆如法別衆異法異律異佛教約勅不捨者未犯若如法如律如佛教三約勅竟不捨者波逸提事竟

佛在王舍城爾時六羣比丘知是人作如是

語不如法除罪不捨惡邪見如法擯出便與
共事共住共同室宿是中有比丘少欲知足
行頭陀聞是事心不喜種種因緣呵責六羣
比丘云何名比丘知是人作如是語不如法
除罪不捨惡邪見如法擯出便與共事共住
共同室宿種種因緣呵已向佛廣說佛以是
事集比丘僧知而故問六羣比丘汝實作是
事不答言實作世尊佛以種種因緣呵責六
羣比丘云何名比丘知是人作如是語不如
法悔不捨惡邪見如法擯出便與共事共住

如所見說不如法悔者未折伏心未破憍慢
不捨惡邪者是惡見未離心故如法擯出者
如佛法僧中擯出共事者有二種事法事財
物事共住者共是人住白羯磨白二白四羯
磨布薩自恣若作十四人羯磨共舍宿者舍
有四種一者一切覆一切障二者一切障不
覆三者一切覆半障四者一切覆少障波逸
提者煮燒覆障若不悔過能障礙道是中犯
者若比丘共擯人作法事若教經法若偈說
偈偈波逸提若經說章章波逸提若別句說
句句波逸提若從擯人問誦受學亦如是共
財事者若比丘與擯人鉢波逸提與衣戶鉤
時藥夜分藥七日藥盡形藥皆波逸提若從
擯人取衣鉢波逸提乃至取盡形藥皆波逸
提若四種舍中共宿卧者波逸提起已還卧

隨起還卧一一波逸提若通夜坐不卧突吉

羅事竟

佛在舍衛國爾時有沙彌名摩伽生如是惡邪見我知佛法義作姪欲不能障道諸比丘聞是事向佛廣說佛以是事集比丘僧汝等當約勑摩伽沙彌汝莫作是語我知佛法義作姪欲不能障道汝莫謗佛謗佛者不善佛不作是語佛種種因緣說姪欲能障道汝當捨是惡邪見諸比丘言如是世尊即往呵沙彌言汝莫作是語我知佛法義作姪欲不能障道莫謗佛謗佛者不善佛不作是語佛種種因緣說姪欲能障道汝捨是惡邪見諸比丘再三教已不能令捨即從座起來諸佛所頭面禮足白佛言世尊我等約勑摩伽沙彌令捨惡邪見不能令捨從座起來佛言汝等

應與摩伽沙彌滅擯羯磨不捨惡邪見故若更有如是沙彌亦應如是治滅擯羯磨法者一心和合僧中一比丘唱言大德僧聽是摩伽沙彌生惡邪見僧已約勑令捨惡邪見而不肯捨若僧時到僧忍聽與摩伽沙彌滅擯羯磨是名白如是白四羯磨僧與摩伽沙彌滅擯羯磨竟僧忍默然故是事如是持

佛在王舍城爾時六羣比丘知是沙彌擯已便畜經卹共事共宿是有比丘少欲知足行頭陀聞是事心不喜種種因緣呵責云何名比丘知是滅擯沙彌便畜經卹共事共宿種種因緣呵已向佛廣說佛以是事集比丘僧知而故問六羣比丘汝實作是事不答言實作世尊佛以種種因緣呵責六羣比丘云何名比丘知滅擯沙彌便畜經卹共事共宿

種種因緣呵巴語諸比丘以十利故與諸比丘結戒從今是戒應如是說若沙彌作是語我知佛法義行姪欲不能障道諸比丘應如是教沙彌言汝莫作是語我知佛法義行姪欲不能障道莫謗佛謗佛者不善佛不作是語汝當知佛種種因緣呵責姪欲能障礙道汝當捨是惡邪見若是沙彌諸比丘如是呵時堅持不捨者諸比丘應再三教令捨是事再三教時若捨者善不捨者諸比丘應如是語沙彌汝從今不應言佛是我師亦不應隨諸比丘後行諸餘沙彌得共比丘同房二宿汝今不得癡人滅去不應住此若比丘知是滅擯沙彌便畜經卹共事共宿波逸提知者自知若從他聞若沙彌自說滅擯者如佛法一心和合僧作滅擯羯磨畜者持作弟子自

美五

十二

作和尚若阿闍梨經卹者若與衣鉢戶鉤時藥夜分藥七日藥終身藥共事者有二種事法事財事共宿者四種舍內共宿舍者若一切覆一切障一切障不覆一切覆半障一切覆少障波逸提者煮燒覆障若不悔過能障礙道是中犯者若比丘教滅擯沙彌法若偈說偈偈波逸提若經說章章波逸提若別句說句句波逸提若從滅擯沙彌受經讀誦亦如是若與滅擯沙彌鉢波逸提若與衣戶鉤時藥夜分藥七日藥盡形藥皆波逸提若從滅擯沙彌取衣鉢戶鉤時藥夜分七日盡形藥一一皆波逸提四種舍中共宿波逸提起已還卧隨起還卧一一波逸提通夜坐不卧亦波逸提五十七
事竟

佛在王舍城爾時世尊爲乞食故早起著衣

持鉢阿難從後入王舍城時天大雨水突伏藏出多有寶物爾時世尊乞食食已還耆闍崛山佛見是藏多有寶物佛在前行阿難隨後一尋徐行阿難自念我若近佛口氣腳聲或惱佛故佛見是藏語阿難言毒蛇阿難作

美五

一三

是語已即便直過不往物所阿難見已白言

惡毒蛇世尊作是語已即便直過不往物所是山下有一貧人刈麥聞是二種語作是念我未曾見沙門釋子毒蛇惡毒蛇今當往看即往見藏爲水突出見已歡喜言沙門釋子

毒蛇皆是好物即以車輿衣囊及日取著家

內以是寶物現富貴相謂作大舍金肆銀肆客作肆銅肆珠肆象羣馬羣牛羊羣車乘輦輿人民奴婢是人先有不可者見作大舍妨其生業是人妬嫉便白王言是中先有貧

窮賤人卒見富相起大堂舍金肆銀肆客作肆銅肆珠肆象羣馬羣牛羊羣人民奴婢是人必當得大寶藏不欲語王王即喚問汝得寶藏耶答言不得王念此人不被拷治云何說實即勑有司盡奪財物縛著標頭若得寶藏不語王者皆如是治作是教已即奪財物縛著標頭誰得寶藏不語王者皆如是治是人作是言毒蛇阿難惡毒蛇世尊諸人語曰汝莫作是語毒蛇阿難惡毒蛇世尊法應作是言誰得寶藏不語王者皆有比分是人一心念佛作是言毒蛇阿難惡毒蛇世尊時人白王是人標頭作如是語毒蛇阿難惡毒蛇世尊王即喚問縛汝標頭實作是語毒蛇阿難惡毒蛇世尊不是人答言大王施我無畏者我當說實答言與汝無畏即言有是寶藏

我先貧賤山下刈麥有二比丘共來上山一

在前行一在後行前行比丘見是藏時作是言毒蛇阿難語已直去不到物所亦不取物後行比丘亦見復作是言惡毒蛇世尊語已直去不到物所亦不取物我聞是二語即作

是念我未曾見沙門釋子毒蛇惡毒蛇尋便

往看見是寶藏爲水所突見已歡喜即以車輿衣囊取著家中現富貴相起大堂舍金肆銀肆客作肆銅肆珠肆象馬羣牛羊車乘輿輦人民奴婢今我墮罪便憶是語此惡毒蛇

今於我有能作何等必敢我命爲是寶故王盡奪我所有財物垂當奪命王作是念必當是佛與阿難王言汝去於命無畏賞汝金錢五百於是急中說於佛語及阿難所言故從死得脫時是衆中大臣大官大聲唱言甚希

言毒蛇阿難語已直去不到物所亦不取物後行比丘亦見復作是言惡毒蛇世尊語已直去不到物所亦不取物我聞是二語即作

美五

十四

有事憶佛語故便得脫死諸比丘聞是事向佛廣說佛言取重物得如是罪及過是罪皆由取寶物故佛但呵責而未結戒

佛在維耶離爾時諸童子等出城詣園林中學射射門射門扇孔學射箭筈筈相柱爾

時跋難陀釋子早起著衣持鉢欲入城乞食諸童子遙見共相謂言此跋難陀釋子喜作惡罪若見罪聞罪疑罪無慚愧無狀足我等今當試看即以寶物價直一千放著道中捨遠遙看時跋難陀釋子到是寶所四顧無人取著掖下諸童子見即往圍繞捉言汝比丘法他物不與便偷取耶答言不偷何故取耶答言我謂糞掃物故取諸童子言云何寶物作糞掃取諸童子念此惡人當將詣衆官作是念已將詣衆官衆官問言汝實偷不答言

美五

十五

不偷作糞掃想取衆官又言無有寶物得作糞掃取者衆官是佛弟子信樂佛故作是語

比丘云何作偷諸童子輩必當虛妄即言汝去後莫復爾諸露地不與寶莫取時跋難陀作是惡事已還向諸比丘廣說是事諸比丘

以是事白佛佛以是事集比丘僧語諸比丘

如是罪惡及過是罪皆由取金銀寶物故種種因緣呵已語諸比丘以十利故與諸比丘

結戒從今是戒應如是說若比丘若寶似寶自取教取波逸提寶者錢金銀碑礪碼瑙瑠

璃真珠似寶者銅鐵白鐵鉛錫偽珠自取者

自手取教取者教他取波逸提者煮燒覆障

若不悔過能障礙道是中犯者若比丘捉舉

他錢金銀波逸提捉舉他碑礪碼瑙瑠璃真

珠波逸提若比丘有似寶物作男子莊嚴具

女人莊嚴具器仗闡具捉舉是物波逸捉舉
舉僞珠突吉羅

佛在舍衛國爾時舍衛城節日到諸白衣辦種種飯食出園林中時毗舍佉鹿子母著五百金錢直莊嚴身具出城遊戲還欲入城是

鹿子母信樂佛及僧作是念我今出城不應不見佛而還入城又我不應著如是莊嚴具往詣佛所即脫嚴具裏著衣中與一小婢與已詣佛所頭面禮足一面坐佛以種種法示教利喜示教利喜已默然鹿子母聞佛說法

美五已從座起頭面禮足右繞而去佛善說法十六

婢聞佛法味故即忘莊嚴具去佛見是衣裹語阿難汝看是中有何物取舉阿難語淨人開看還令裹舉佛以是事集比丘僧種種因緣讚戒讚持戒讚戒讚持戒已語諸比丘從

今是戒應如是說若比丘若寶若似寶自捉舉教人捉舉波逸提除因緣因緣者若寶若似寶在僧坊內若住處內以如是心取有主來者當還是事應爾僧坊內者物在僧坊壁內籬內塹內障內住處內者隨白衣所請住處是中云何不犯若物在僧坊內若得淨人教舉取看若不得淨人應自取看舉若有來索者應問汝物有何相若說相是者應還若不是者應答無如是物若主未來是比丘有因緣欲行者是中有舊住善好比丘應語言我得他所忘物汝取看舉有來索者問相是者應還若不是者應答無如是物若過五六年無主來索應施四方僧物償是物在住處者若得淨人教取看舉若不得淨人自取看舉若

美五

有來索者應問相是者應還不是者應答無如是物若是比丘有因緣欲去是中若有舍主善好男女應語言我此中得他是物汝取看舉若有索者問相是者應還不是者應答無如是物若過五六歲無來取者是住處若少坐牀大牀牀板應用作若後有來索者應取是牀坐用還是事應爾五十八
事竟

佛在王舍城爾時王舍城人以龍雹因緣故作一月會最後日設會伎兒作伎應多與價直爾時六羣比丘共相謂言往看去來皆言隨意即便俱往在一面立遣人語伎人言是中有所得物與我等分若不與者我壞汝會使即往語汝所得物與我等分若不與者當壞汝會問誰作是語答言沙門問何沙門答言釋子沙門伎人共相謂言我等今牽觀者

心伎樂已調若有大樂師尚不能壞何況釋子沙門不與汝分使即還報不肯與汝分間不與已即張異衣作幔異衣作障異衣作敷是中著白衣服結跏趺坐辯才莊嚴讚佛讚法讚僧聖戒是中有人從大衆中起試徃看之如是第二第三會處皆空來就比丘聞法得味不復還去是中即空爾時伎人應大得價即不復得共相問言彼中是誰答言沙門釋子即呵責言是失沙門法燒沙門法盡奪我等所得財物是中有比丘少欲知足行頭陀聞是事心不喜向佛廣說佛以是事集比丘僧知而故問六羣比丘汝實作是事不答言實作世尊佛以種種因緣呵責六羣比丘云何名比丘不作淨染衣著佛但呵責而未結戒

佛在舍衛國爾時諸比丘從憍薩羅國遊行向舍衛國與賈客衆俱欲度險道時有賊來劫賈客物裸形放去諸比丘亦失衣服復有餘出家人亦在此中俱失衣服時賊放衣聚在一處是賊愛佛法故語諸比丘汝等各各還自取衣餘出家人亦有染衣諸比丘疑惑謂是他衣竟不敢取次第到舍衛國徃詣佛所頭面作禮一面坐諸佛常法有客比丘來如是語勞問訊可忍不足不乞食不難道路不疲耶佛以是語勞問諸比丘可忍不足不乞食不難道路不疲耶諸比丘言忍足乞食不難道路不疲以是事向佛廣說佛以是事集比丘僧種種因緣讚戒讚持戒讚戒讚持戒已語諸比丘以十利故與諸比丘結戒從今是戒應如是說若比丘得新衣者應三種

色中隨一一種壞是衣色若青若泥若茜若比丘不以三種壞衣色著新衣者波逸提新衣者若比丘得他故衣初得故亦名新衣三種壞色者若青若泥若茜若比丘得青衣者應二種淨若泥若茜若得泥衣者亦二種淨若青若茜若得茜衣者亦二種淨若青若泥若得黃衣者應三種淨青泥茜得赤衣者應三種淨青泥茜得白衣者亦三種淨青泥茜波逸提者煮燒覆障若不悔過能障礙道是中犯者若比丘著不作淨衣波逸提若作敷具波逸提若作枕波逸提乃至少時試著突吉羅若比丘得作淨竟衣以不淨段物補却刺縫一點作淨若直縫各各作淨若比丘得淨染衣却刺縫即是淨不淨物補摘不淨物還與僧淨染者如法壞色染也不淨段物者

美五十九

十九

非如法色一尺二尺故言不淨段以此衣壞故以段補之皆應却刺若直縫者永主命終應摘此直縫與僧乃以此衣與看病人一點三點以淨此不淨色故淨而却刺是佛所許如法畜用直縫所以不得者以是世人永法故以却刺異俗五十九事竟

十誦律卷第十五

音釋

楯堅尹切干櫓之屬兵器解怠懈古隘切
掉臂徒弔切搖也
笞臂必至切鞭子擊切
箠杖切箭矢也
箇活切箭本受弦處也
也草七切艱也
箇此見切此見